

陝
由
金
石
志

函 二

陝西金石志卷九

續修陝西通志稿卷一百四十三

金石九

唐

蕭勝墓誌

佚永徽二年備錄

石方一尺三寸縱橫
二十格褚遂良正書

大唐蜀王故西閤祭酒蕭公墓誌

公諱勝字玄寂東海蘭陵人

梁中宗宣皇帝之孫太尉安平王周柱國巖之第十三子也豐谷
雕雲騰三傑於星漢金陵王氣軼五馬於天枝爰自綺年已膺茅
社封爲宜陽侯俄而青蓋云歸咸陽起布衣之歎家聲口隕高辛
口口口口口口授散騎郎皇朝爲上輕車都尉蜀王西閤口口口
口贊虛玄立操貞白學綜書府文藹詞林鐫銖珪口脫落塵滓口
物我於臨濠照空有於虛室龍宮之旨無以口口口口口口之口自

足符其想信圻岸之金碧爲羽毛之麟鳳然而過鳥忽驚悲鼠藤
之何促隙駒忽謝怨鶴林之已空春秋七十有四永徽二年八月
十五日遘疾薨于萬年縣之崇義里卽以其年歲次辛亥八月壬
戌朔廿二日甲申窆於萬年縣寧安鄉鳳栖之原嗚呼哀哉山可
移兮日難繫海成田兮川而逝因寶口於窮泉振芳聲於來裔其
詞曰 楚國琴響秦時故侯寂寥下位栖遲一丘情涵水月心汎
處舟持蓮淤盡援桂芳留人事超忽生涯浮脆溢露銷津翻霜實
蒂夕陰先下泉扃早閉長夜不追悠然來際 刺史褚遂良書

此石本出咸寧時人因其字似褚河南續刻刺史褚遂良書六
字今原石久逸帖肆所有皆重模本也勝爲梁中宗宣皇帝之
孫太尉蕭巖之十三子新唐書宰相世系表有巖無勝得此可

補其缺

毛氏關中金石
文字存逸考

慈恩寺聖教序

存永徽四年見王氏金石萃編

碑高六尺三寸廣三尺五分共二十一行行四十二字太宗製文褚遂良正書篆額今在西安府慈恩寺

此以序與記分刻二碑于慈恩寺塔下分東西兩龕置之風雨
童牧俱不能及是以能久而不毀后署永徽四年書似不及同

州本

趙氏石
墨鐫華

聖教序今在西安府南六里慈恩寺塔下序記分兩石東西兩
龕覆之序右行記左行序字差小記字差大蓋序書於永徽四
年十月記書於十二月非一時故也按舊唐書公以永徽元年
進封河南郡公尋坐事出爲同州刺史三年徵拜吏部尙書則
此記乃是同州召還後所作其稱臣者郭胤伯言以御製文非
奉勅書是也序以十月書銜稱中書令記以十二月書銜改稱
尙書右僕射意其代張行成爲尙書右僕射在十月而史不及

詳也 竹雲題跋

萬年宮銘 永存 徽 銘 五年 見 王氏金石萃編

碑連額高七尺一寸廣三尺一寸額十六行銘四十七字今在麟遊縣

碑陰

陰分兩截皆二十行奉勅見從文武三品以上並學士聽自書官名於後於是長孫無忌李勣等題名者四十八人

萬年宮即九成宮改名高宗幸而銘之書之也行草視英公碑

尤爲勁拔 石墨鐫華

右唐高宗自爲萬年宮碑宰相而下皆題名於其陰余覽此碑見長孫無忌褚遂良許敬宗李義甫同時列名未嘗不掩卷太息以爲善惡如水火決不可同器惟人主能辨小人而遠之然後君子道長而天下治若俱收并用則小人必得志小人得志

則君子必被其禍如無忌遂良是已然知人帝堯所難非所以

責高宗也

趙氏金錄

韓仲良碑

存徵文見王氏金石萃編

碑高八尺五寸廣四尺二寸八分三十二行行六十字志寧撰文王行滿正書額題大唐太子少保上柱國潁川定公之碑

十五字篆書今在三原縣淡村

碑上半已漫滅可識者有云上柱國燕國公于志寧撰文門下

錄事王行滿書公諱良字仲良云云按此碑碑首無姓碑文中

書姓處已磨泐不可辨今碑中有獻子輔政云云當姓韓考唐

書韓瑗傳父仲良終于刑部尚書秦州都督府長史今碑與傳

合碑稱韓良字仲良或史以字爲名耳其世次與諡可以補史

之闕又史稱仲良於武德初定律令碑中不載碑雖殘闕如載

之似應約略可識今竟無之爲不可曉也

朱氏雍州金石記

呂夫人張氏墓誌

存永徽六年陶齋藏石記

石方一尺四寸縱橫二十四格正書

誌略云夫人諱須摩字善宿南陽人也祖任房州至成府果毅父任同州馮翼縣令年十六嫡於呂氏之門以永徽六年三月四日薨於長安義城里春秋八十有二卽以其月倍葬于混明之所云云首題大唐文林郎夫人張氏墓誌不著夫家姓氏亦無書撰人名字體類蕭勝墓志光緒中長安出土

長孫澤墓誌銘

佚顯慶元年備錄

石方一尺五寸二十一行行二十二字正書

大唐故公子長孫白澤墓誌銘

并序

公子諱澤字白澤雍州新

豐人也啟胄蟬聯煥乎青簡開基昭晰載炳緹油曾祖澄魏金紫光祿大夫散騎常侍義門郡開國公器識弘遠風局開濟清貞秉

志直亮居心祖愷隨上開府車騎將軍體鑒凝澈神情峻整道居
人望德表時宗父敬道唐左親衛隊正雅性冲情高自封植不同
臭味無混光塵公子霄氣德精稟靈卯宿道與之性表自髫年天
授之才高乎綺歲九德咸舉百行是孚年甫二歲奄丁窮罰恭事
人兄友于惟孝天倫之情既篤在原之美益章時稱千里之駒或
謂連城之寶福虧於善友秀摧華粵以貞觀九年九月五日遘疾
卒於京師崇賢里第春秋一十有六以顯慶元年二月廿六日葬
于萬年縣鳳栖之原禮也嗚呼哀哉惟子皎皎獨韻之姿亭亭不
群之操雅量難測牆刃罕窺痛矣終童嗟乎顏子傷其早逝未騁
高衢以君方之異代同揆兄駙馬都尉榮降王姬貴連戚氏悲棣
華之先落則痛結深衷念荆樹之分枝則長懷靡及爰雕翠琬永
播芳猷乃爲銘曰 瑤棟初隆挺堂肇構柯摧未秋景絕方晝此

陝西金石志卷九
四一
焉可贖人百伊壽驚川不息馳暉無舍棄彼小年歸茲大夜照乘
韜彩連城掩價悲纏壘首慘結雲端泉閨久夜寥戶長寒音容何
在幽石徒刊

按此石光緒末年出土爲直隸孫少尉後眉以番餅六枚搆得
之後爲有力者索去今未詳轉徙何處書法秀逸可愛唐之佳
刻也誌中牆刃罕窺句應卽用宮牆數仞語未寫人旁耳

化度寺僧海禪師方墳記

佚
顯慶二年文備錄

大唐化度寺故僧海禪師年六十六俗姓劉綏州上縣人也永徽
五年八月十一日卒禪衆以顯慶二年四月八日於信行禪師所
起方墳焉

按此石久逸有重摹本年六十六作六十有六卒之下多一於
字末行又題顯慶三年歲次二月二十五日癸巳建與雍州金

石記所載互有異同不得原本無從證是姑兩存之以備考云

毛氏關中金石文
字存逸攷

光明寺大德僧慧了法師銘

存顯慶二年見陸氏金石續編

縱橫二尺二寸二十四行行二十四字正書下方左角缺三十餘字在西安府終南山百塔寺

長安志云此石在百塔寺拜石齋帖賈胡氏云曾赴寺內椎拓

唐碑此石尚存然磨泐大甚矣誌中仏卽佛字

毛氏關中金石文字存逸攷

按此石嘉慶初出土金石家皆未著錄塔亦無存云於終南梗

梓谷起塔則知與信行禪師塔相近

陸氏金石續編

杜延基妻薛氏墓誌銘

存顯慶三年備錄

石方一尺三寸二十三行行二十二字正書蓋題大唐太子左衛杜長史故妻薛氏墓誌銘十六字篆書

大唐太子左衛杜長史故妻薛氏墓誌銘

并序

夫人諱瑤華河

東人也縣宗貴烈疊照檣紳之林勝躅殊聲累冠高華之秀並先

陳西金石記 卷九
淳史咸振毗謠近懿令芳可得而略曾祖胄大理卿刑部尙書內
陽文公祖獻工部侍郎泉資定隴四州刺史贈洪州都督內陽穆
公父元嘏通事舍人朝散大夫行益州晉源令或材挺國楨或譽
標時彥英明相續璫珩代襲夫人誕靈鴻族育彩瓊田幼資神穎
長而懿淑太子左衛長史上輕車都尉京兆杜延基藉望清華聲
芳寓縣求我令德宜其室家夫人展禮惟勤薦虔誠於蘋藻承夫
思順終克諧於琴瑟美柔芳於懿戚溢惠譽於中閨藹藹嘉聲雜
紅蘭而灑馥亭亭潔操鑒皓月以分暉旣而朝露易侵慘沈痾之
遽積隙光遄徙愴宵簟之俄空以顯慶二年十一月十二日遘疾
卒時年廿六粵以三年歲躔戊午十二月一日己酉安措於少陵
之南原想音容之未遐歎居諸之驟易感人神之方曠痛顯晦之
悠隔嗟鳳去而聲銷悵鸞沈而影寂閱殊美於柔翰寄餘命於貞

石其銘曰 烏奕高門蟬聯遐祉虹珪交暎文軒疊軌効功垂德

飛芳擅美照灼清猷紛綸緇史其一餘慶是龔載誕淑靈溫儀粹行

玉麗蘭馨動容中軌敷辭有經挾華邦族飮美閨庭其二始暉朝景

行悲夜壑月掩娥沈星潛婺落露凋芳秀霜摧豔萼潘悼已深荀

傷可度其三靈軒夙駕素幌晨空霜塗咽泣曉挽鏘風幽局杳藹寒

野蒙寵千秋已矣蓄恨何窮其四

此石出咸寧縣杜曲文藻清麗字跡秀適唐刻佳品也所載薛

氏祖父官爵名諡均與新唐書宰相世系表合杜延基之名不

見於史傳惟寶刻類編有杜延基所造心經總章元年立考總

章元年上距顯慶三年只十一年爲時尚不甚遠則誌中所謂

杜延基當卽其人又安厝之厝作措古字通用也

毛氏關中金石文字存逸

考

杜詢妻崔素墓誌銘

存顯慶二年見陶齋藏石記

石高一尺九寸廣一尺五寸
行二十七字正書

首題大唐薛王友行榮德縣丞杜君故妻博陵崔氏墓誌銘略
云夫人諱素字瑤英博陵人也曾祖慎言工部侍郎祖儀雍州
司戶參軍同州朝邑縣令父延朗左千牛衛將軍甘涼瓜沙四
州刺史以永徽元年二月適薛王友行珍州榮熹縣丞杜詢顯
慶二年三月十五日遘疾卒年二十四卽以其年七月廿七日
安厝於耀州三原縣之北原云云

王居士塿塔銘

存顯慶三年見王氏金石粹編

石方廣二尺許縱橫各十七字上官靈芝製文敬客正書

向在西安府城南百塔寺今爲墨客取去金石文字記云近出
終南山梗梓谷中乃明末出諸土者出土時石已裂而爲三其

大唐王居士磚塔之銘上半截五行已無存矣其靈芝製文敬
客書下半截五行又裂而爲四其罄求彼岸十一行又裂而爲
三下截亡五十字此碑盛行於世摹臨翻刻者不下十餘處較
之原碑不啻霄壤第碑裂而爲七又亡去百二十餘字僅存者
其能久乎故記之以備考

朱氏雍州金石記

此石本出長安縣梗梓谷中後爲一郃陽帖賈攜去弟兄數人
爭此石因碎爲七訟之官官納於庫今存其五在郃陽縣庫中
其全文完好者重摹本也唐人墓誌塔銘書法秀逸以此爲最
惜全石拓本不可多得矣五石中一石較大後刻蘇東坡七言
絕句一首係行書

毛氏關中金石文字存逸考

按王居士名公篤信釋氏用浮屠之法沒後收骸起磚塔納誌
石於其中王氏金石萃編以爲埤刻誤矣

馬處士墓誌銘

存顯慶三年備錄

石方一尺五分
行二十八字
正書

大唐馬處士墓誌 處士諱壽字長壽扶風人也高祖達梁荊州
刺史曾祖賢周河南縣令祖方儀同勳衛校尉自趙城開國馬服
分宗緬諸前典盛緒斯在暨紗帷垂範銅柱標勳鬱矣家聲播而
無泯處士誕生華胄情疏俗務依藝遊仁邈焉高蹈博該墳典振
葛川之遺風立性無愠邁裴遐之寬雅繁華始茂奄悴嚴霜福善
無徵俄隨朝露春秋二十有七顯慶三年九月七日寢疾物故於
京邑私第即以其月十八日葬京城南杜陵原之崗禮也二親哀
纏舐犢痛碎明珠撫襯摧懷倚門何望玄泉既啟黃腸已裁勒斯
貞石銘諸夜臺嗚呼哀哉乃爲詞曰 英明處士卓犖伊人智周
於物德潤其身志希高尚心研典墳耽思靡怠流麥漂勤俄驚逝

水遽逐遊魂卜襲云備儀葬實陳玉狗司夜金雞御晨一局泉戶
千載無春 顯慶三年九月十五日

皇甫文欽墓誌銘

佚 顯慶四年文備錄

石方一尺四寸十九行十八字正書
蓋題大唐故皇甫君墓誌銘九字篆書

唐故吉州廬陵縣丞皇甫君墓誌銘并序 君諱弘敬字文欽京

兆杜陵人也微子以至德敝基宋段以功高命氏爰洎漢晉代有
其人祖諱德隨任普州刺史懿範清規每懷冲虛之道安排壻偶
不以毀譽形言父諱良隨任同州長史贊鳥旗於千里惠化周通
展驥足於百城威風遐暢君名曾卅齒譽妙髫年處鄉閭以翔英
入圓豈而驚韻釋褐齊王府執乘晨臨修竹御浮雲於碧枝晚映
曲池驟流水於翠微故得聲敷藩底績簡文昌改授廬陵縣丞毓
黎氓於江介方輔茲製錦翼百里以刑清貳彼鳴弦庶一同而教

肅與善茫昧遘疾彌留以顯慶四年十月十五日終於休祥坊之
第春秋五十五其月三十日葬於龍首原隆安之里隣春輟相悲
玉水之輝泉行旅不哥鯁瑤峯之落嶠勒銘玄石永樹芳徽其詞
曰分珪疏德析壤資明時殷朝彥代昇人英警策流美徽豪滋馥
遽悶黃墟寧窮朱轂輶迴美路口落廼門風招淒暮景霜壠慘歸
魂

董君夫人戴氏墓誌銘

存顯慶四年備錄

石方一尺四寸十六行行十七字正書蓋題大唐董君夫人墓誌銘九字篆書

唐故朝請大夫董君夫人戴氏墓誌銘 夫人諱滿譙郡人也唯

祖唯父高涉華庭乃戚乃親芳之帝里因宦遷播流寓雍州既稱
崇基蟬聯不絕亦其鴻源遠派濺日浮天丕緒扶疏干雲蔽月夫
人稟性溫柔嫺春雲而等潤淑情貞潔將秋月以齊明豈謂嬰痼